

湖北賦稅彙誌

第一期



3 0590 7201 1

弁言

居今日而言理財蓋亦萬難之事矣而於湖北一省則尤難起義已後物力創殘方以涵濡休養爲急務往年瑣屑稅目不得不酌予豁除用蘇民因此入欸之難民國初建萬端待理稔知其款無所出不得不竭力羅掘以濟急需而存國體此出欸之難前清季年百物本已凋耗稱貸極多共和之初復不免冒濫往往有一責發現多至大萬甚或數十萬金皆爲預決算所不載又不得不多方籌付用昭大信此意外之出欸尤難紙幣充斥現銀短缺爲補救危局計不得不徐圖銷燬賦稅所入名目雖多實則不名一錢此則難之又難具此四難雖以陶朱猗頓桑弘羊劉晏之材殆亦窮於措置况不逮其什一者乎然而未可以自畫而自餒也財者萬事之母而庶政之源泉也無其財

概從閣置夫人而知之矣然必審乎財政之現狀與夫未來之成效又必明乎省與省不同縣與縣各異多寡必使相劑緩急必使相通因其勢而利導之持以久而馴致之如治絲然爬梳剔抉而後其勢可理也如種樹然澆灌培雍而後其材可成也其怵於目前之貧窘而手足無所措志慮不能一張皇急遽苟求速效於眉睫者皆未足與言此道也此邦稅廳實設於民國二年之七月當事者直文卷蕩然事機繁冗之際補苴掇拾具有規模誠所謂難能而可貴矣迄乎昨臆不佞適亦承乏是廳於其已有基扃者思有以恢廓之其未經辦治者思有以振興之蚤莫孜孜無敢或懈而大部既維持於上同僚復贊助其間受事已來凡四閱月因綜前後躬所閱歷而經營者著之簡編質諸當世明知百不當一亦欲使世之君子知鄂省財政之

綦難挽救之不易勿責以迂迴而不聞敏贍勿哂其陳腐而不能神奇或著爲論說以相糾正或示以範圍使有遵行他日果成績漸昭使此邦人民得方洋於富庶之域偃仰於安樂之鄉固鄂省之辛實非僅鄂省之幸此則不佞所日夜翹跂以蕲底於茲境者也刊旣竟用書數語弁諸簡端

中華民國三年五月桐城王荃本撰

治世則不察言

凡例

一此編所載均係辦理鄂省賦稅各事考名曰湖北賦稅襍誌
一此編登載事項分類如左

甲 公文

乙 法令

丙 條陳報告

丁 雜錄

戊 統計圖表

一此編月出一冊每冊以百頁爲率

一此編關於鄂省賦稅狀況鄂屬各徵收機關均應各置一冊
以資參考每冊酌收回紙料費 角此外並不發售

湖北賦稅雜記

卷一

一

稅務雜誌目錄

公文類

呈部稅廳情形並擬辦事細則改良方法細則附法令

會呈財政部遵令條議整頓稅收辦法並條議

呈部報告驗契情形及遵照各節請核示

呈財政部鄂省財政情形請核示

通令各局遵照規定局用按月造具概算核實開支

呈部酌加各局比較及核減局用並擬勸懲章程

比較數單並勸
懲簡章附法令

通令各局遵照酌加比額分別淡旺月分呈處查核並發勸懲
章程

法令類

本廳辦事規則 規定田賦征收經費簡章

條陳報告類

武昌知事史森呈覆整理田賦收入方法擇錄一條

建始知事條陳整頓稅收情形擇錄一條

咸甯知事張德柄條陳征收錢漕契稅辦法擇錄二條

武穴局陳景虞條陳稅務利弊擇錄一條單式附圖表

錄雜類

通令各縣局按月造具收支四柱清冊報告書統計表

訓令各縣局改訂繳款批迴式樣式樣及圖表釋例附

南江漢關稽征小輪漏稅酌給津貼並由本處發給聯單

函湖南稅廳驗契條例已奉部電准照前章辦理來電附

函雲南稅廳所擬各省每月編印詳細報告書情形

統計圖表類

修改百貨四聯稅單

修改羊樓崗茶局四聯稅單

修改鄂豫火車貨捐局四聯稅單

調查牙帖通知書

規定各局丈量艙口單

一月分國稅收入報告書

二月分國稅收入報告書

三月分國稅收入報告書

洪州府志

公文

呈明稅廳情形並擬具辦事細則改良方法

爲呈明湖北國稅廳情形及擬具辦事細則改良整頓方法送請
鑒核事竊處長智識迂疏學植淺薄奉

命承乏深懼弗勝湖北稅廳成立以來數月於茲雖規模畢具
不乏前轍之可師而籌備宜周尤當循名而責實謹具辦法數條
爲

鈞部縷晰陳之一經費宜劃一也查湖北稅廳原設三科月領經
費洋四千六百餘元十一月奉

大部核減裁去一科准領經費洋三千二百八十餘元前處長黎
澍尙未重新編製就減定二科之薪津攤原設三科之人數遂不
能不將臨時經費挪作經常之用薪津一項已達二千四百九十

公文

餘元之多其按月統計猶有不敷之數即在印刷票契費項下挹注支用是不獨員司薪薄不能養廉且經常臨時東措西拄倘遇特別發生事件以及派員調查等項當見應付立窮票契經費尤不能攙雜混合作剜肉補瘡之計現擬遵照

大部定章改設二科其薪津項下必使不溢出預算之外經常臨時通盤籌畫分別規定仍於每月決算時逐款報明審計分處倘留有餘即作爲本處餘存經費以資撙節一印刷聯票契紙員役可裁撤也查鄂省聯票契紙費前奉

大部電准在財政司預備金項下提用每月冊報開支錢二千數百串不等除紙張外員役薪津工食月需錢百四十餘串按印刷票契本屬稅廳應辦之事值此減政時代似毋庸另派員司擬即裁去歸併兩科科員辦理計每月可節省百四十餘串其應用紙

張當亦不無可省之處容俟切實核計再行呈明一簿記宜分別釐定也查國稅收入首重統計之精詳統計大要先貴簿記之明確鄂省簿記尙未進行擬仿照東三省辦法重新編製其各征收機關之旬報月報決算書務求詳確周密以符定章一幣制宜求整一也鄂省財政惟紙幣爲第一紊亂查現時紙洋雖定價每元易錢一千二百文然市面通行每紙洋一元僅易錢一千六七十文若銀元市價則每元易錢一千三百餘文聞各征收機關多有購買紙洋折價征收希圖取巧第紙洋一時未能收盡卽此弊一時不易革除欲仿行征洋解洋征銀解銀之制殊多窒礙難行擬俟官錢局局長高佑諸到鄂再行會商呈請辦理處長到任伊始自應悉心籌備改良征收方法嚴定滯納處分甄別賢能淘汰貪鄙收入必期其漸增支出必求其漸減但使畧補時艱曷敢稍存

瞻顧謹就管見所及畧舉數端並擬定辦事細則一份呈送

鑒核是否有當理合呈請

批示祇遵謹呈

財政部

會呈財政部遵令條議整頓稅收辦法

爲呈覆專案奉

大部電令飭於頒布各項稅法以外應各就地方情形將何種稅項尙可增加何項稅款另行改革限一月內分別擬議詳晰呈復等因奉此伏維國用豐絀道在理財然處今日而言理財之方改絃易轍不如因勢利導之易爲功遠矚高瞻不如實力推行之易爲力前奉

鈞令之時適值蒞任之始兩月以來爬梳抉剔如理芴絲或證以

見聞或徵諸事實謹將應行整頓稅收各端就地方情形輕而易舉者條舉於後其稍涉高遠者概置勿論芻蕘之言伏惟

採擇所有遵令整頓稅收分別條議各緣由謹會同開摺呈復仰祈

鑒核訓示祇遵再此件係由國稅廳籌備處主稿合併聲明謹呈
財政部

整頓舊稅推行新稅條議

①關於整頓舊稅者舊稅之中以丁漕釐稅爲大宗請先言丁漕鄂省丁漕前清原額爲一百三十餘萬兩耗羨平餘等項名目不在其內民國肇建掃除積弊舉耗羨等名悉並入正賦內然兩年以來收能足額者寥寥無幾推原其故一則以版籍殘闕自爲風氣議減議增毫無標準一則以舊日糧書既經撤裁鄉愚完納莫

知所之一則以戶籍田畝從未清查飛灑隱匿莫可究詰欲爲正本清原之計必自清丈始然而閭閻之元氣已傷府庫之儲藏更絀重大之舉尙非其時茲權其事之可行去其弊之已甚者畧議於後

一征收機關宜就各縣情形仍舊分設也縣轄區域廣狹各異而都區里甲之分大畧相同宜分別遠近多設分櫃便民投納派征收員專司其事以漸次養成人民自行投櫃之習慣否則催租吏既不同於舊日之糧書人民祇知有裁券代納之舊例催租吏又不明花戶田畝之所在持錢待完而催者不至賴欠錢罄而催者又來矧花戶與田籍本不相合催租吏所以幾同虛設也

一宜於舊有糧書改設催租吏也糧書積弊由來已久一旦剷除

非不稱快第所有冊籍皆把持於糧書之手視爲祕本刑罰不能強而得也新設之經收員役旣無冊籍可憑知事更屬茫然則烏從而催征之是宜於舊日書吏中擇其身家殷實品行優良者改爲催租吏明定公費以養其廉隆以虛獎以勵其操嚴爲監察以遏其弊其一縣或十餘人數十人者悉從而裁汰之行之一二年後書吏不除而自除矣

二 征銀價格宜暫以錢爲本位也幣制未劃一之前征洋解洋征錢解錢固爲至當之法然各省縣迄未辦到鄂省情形尤有不同鄂省以銀折錢每兩多寡不等民間素以錢爲本位不諳銀價之低昂書差舞弊便利私圖市僧居奇漲落無定是宜暫以錢爲本位仍照各縣舊例每銀一兩折收多寡之數定爲各縣之標準榜示通衢俾眾週知俟幣制頒布再行改定庶於未能

劃一之中稍收整齊之効

一征收期限擬嚴行釐定也民間習慣沿用舊歷鄂省完糧較遲他省現擬仍照陰歷期限折合陽歷分別上下忙截止之期仍予寬限一月悉令掃清逾限不完者卽處以滯納懲戒現正擬具細則呈請 示遵

一滯納處分亟須規定也鄂省軍興以還人民不知納稅之義務疲玩異常現正擬具滯納處分細則另案呈請俾資遵守

一券票宜改訂也鄂省征收錢漕沿用舊例由各縣自刊兩聯券票殊屬漫無稽考且所收券票費多少不齊悉充地方之用而造券經費仍列入征收費內作正開支亦覺事非平允現參照貴州四聯納稅憑單變通辦理每張收費十二文充造券經費及辦公之用一切詳細辦法已另案呈 請示遵矣

一宜仿造魚鱗塊冊以便稽征也田賦戶籍素無登記飛灑包攬層出不窮書吏承造底冊祇依樣葫蘆撥糧過戶究無的姓的名現擬四聯納稅單式既以一聯存縣查考自可編錄底冊尤宜責成各鄉紳耆將各花戶姓名籍貫住址以及田地坐落坵畝四至某名糧額若干逐一調查登記送存縣署再由縣署對照納糧底冊其賣買過戶者照稅契登記簿詳爲查對每年以一份送處備考行之有年庶可漸得真相以爲將來清丈之蒿矢

一征收經費宜從寬釐定也鄂省前財政司規定各縣征收經費年共二十萬一千餘元大縣四千串中縣三千串小縣二千串前清州縣本無征收經費而浮收陋規所入頗多雖知事可飽私囊而冊書胥吏不費公家一文何以收催租之効者亦以有

利可圖非枵腹也現既革除陋規經費悉取之公家若過事削減實有因噎廢食之弊事限於費而不能舉人限於額而不能增短課原因亦其一端且餽廩稱事古有明訓其不肖者則婪索侵吞無所不至其賢者則知其不可而去之夫知事爲親民之官至賢者去不能爲誠非細故矣况田賦積弊首重調查非財則無以理財事有必然者現擬重新厘定酌加調查費所費甚少而獲益更多俟釐定後再另案呈請 示遵

以上各節謹就其切近易行者言之培養元氣裨益公儲是尤在奉行者之得人而已請再言釐稅

一稅率宜修正也鄂省前清向辦統捐其稅率分別過境遠近及落地過境釐定之民國肇基改爲過境銷場併道征收稅率定爲值百抽二其實只征過境不征銷場名爲值百抽二實則有

值百不及抽一者現欲規復統捐舊章固不易言卽過境與銷場並征亦恐商力尙有未逮擬先行改正稅率必達實行值百抽二之目的則每年可望增收數十萬串現正切實調查俟規定妥洽後再呈請

鈞部主持

一 比額宜加增也鄂省前財政司規定比額本係暫時假定因地方秩序未甯商賈裹足不能不格外從寬現時大局敕平商業漸復力加整頓收數亦較形暢旺自宜酌量加增改定比額以裕國帑計每年可增入七十餘萬串已另各呈請備案矣

一 比額既已增加功過尤宜嚴定也現已參酌各省章程畧仿前清成案嚴定勸懲方法呈請示遵

一 各局分撥票宜嚴行取締也鄂省改征過境銷場分撥票勢不

能廢止第漫無限制往往一票兩用偷漏隱匿現經嚴定章程必於大票內註明分撥若干字樣以四個月爲限以撥至八成爲止責令連同大票一併繳銷以示限制其詳章業經通行現聯票亦擬改用

部頒四聯單畧爲變通以便鈎稽而杜流弊

一 火車藍票宜廓請弊端也鄂豫火車征收稅款各轉運公司向用藍票報捐照票收稅其貨票果否相符無從遍問遂致以多報少以貴報賤明折暗減之事層見叠出前曾擬具改良方法呈請

鈎部轉商交通部諭飭各轉運公司須先向征收局報明貨件查驗相符給予憑單方准裝運如蒙允行裨益歲收當非淺鮮

一烟酒稅宜加征也烟酒爲消耗品東西各國咸征重稅鄂省烟酒有由局征者有由縣征者酒或以灶計以罇計以桶計烟或以斤計以創計雖屬抽厘無異認捐現正通令調查另擬章程酌量加增稅率如雲夢一縣前清收烟酒稅月百餘串今祇收二十串卽此類推隱匿匪鮮擬俟章程釐定後責令各知事切實查明能有溢收於原額之外者卽准於溢收款內酌提若干爲調查之費庶一勞永逸藉裕稅源

一牙當稅宜整理也鄂省上年十月間始舉行牙稅而前清舊章各縣佚遺者居多現擬分別明定照各縣錢糧之例折收征錢至當稅尙未舉行亦亟宜征收以資補助

一漢口牙帖宜派員專理也漢鎮爲五省通衢萬商輻輳牙帖一項爲數頗鉅迄未征收殊屬可惜良以窒碍阻格非派員專辦

不可前已另案呈請 示遵矣

以上凡關於整頓舊稅有已辦者有未辦者之大畧也

○關於推行新稅者新稅中如驗契印花所得稅諸端均已次第舉行惟剋始之時推行不易謹就管見所及畧議於後

一施行印花宜酌量變通也各縣局發售印花除搭放外爲數無幾前經飭令各征收局於來往貨船責令呈驗發貨憑單照稅法第一類第一種及第二類第二種紙面數目粘貼印花其有自運貨物無憑單發票者卽於查驗時照貨開單令其自行粘貼由局蓋章以免重用一月以來頗著成效再漢口一鎮行戶林立擬於派員專辦牙貼時令各行戶來請帖者須認銷印花若干准各行戶於售貨時令客商售印花貼於發貨單上客商所買無幾而行戶認繳之歛必有成數庶足以養成人民之習

慣俟行之便利再令各縣仿辦以收逐漸推行之效其對於招
售方法亦且稍提盈餘給獎俟擬具章程再呈請備案 示遵
一營業稅擬先行烟酒販賣執照也烟酒販賣條例既奉公布自
宜切實奉行一俟

部製牌器頒發到鄂卽行遵照辦理

二庚帖稅可仿行也查鄂省庚帖捐前清時代各縣卽間有請行
者事格不果現時婚姻訴訟日多如由官發証書畧仿發售印
花之例殊於法律保障裨益匪鮮擬暫分爲上等上中等下
等四級上等售銀一元四角上中一元中等五角下等二角分
等刊製務求精美發處各縣加蓋縣印再交由紙舖作爲分發
行所其非官中印製者一概不許發售訴訟亦概不受理如
蒙 允行再擬具詳章呈請 示遵

一狀紙費擬請加收也民事訴訟狀紙費每張收錢二百文刑事每張收錢三百六十文鄂省全年收入尙無確數每縣月約數十串而囚糧監獄看守等費皆須另請開支擬請

大部轉商司法部除刑事狀紙仍舊收費外民事狀紙增收一倍以爲囚糧監獄之費取之無傷而集之有數仍可寓禁於徵此推行最易之舉也

以上四條就其輕而易舉者言之而關於鄂省之特別情形亟須整理厥有二端

一創辦漢口宅地稅也查漢口商業繁富甲於各省宅地價值較之他埠貴尤倍徙將來各處鐵路告成皆以漢口爲轉輸之樞紐則地價之漲更無旣極當此財政支絀之秋而中央宅地稅辦法一時尙未頒布是宜就漢口一隅先行試辦按照時值酌

收宅地稅百分之一以爲全國之先聲如蒙

先行再爲派員調查另擬簡章呈請核奪

一整理各小縣收入以免國家補助也查鄂省竹山竹谿保康秭歸興山巴東長陽長樂咸豐宣恩來鳳建始鶴峰等十三縣皆屬萬山叢錯地處邊僻稅收極微概恃國家補助以作開支各知事亦卽視爲尋常不知整理查各縣於前清未有津貼之前陋規極重並不虞不給嗣後革除陋規始有津貼之舉然在不肖官吏徒資中飽耳民國成立此弊已革當茲財政極端困難之時各縣多一分補助卽國家多一分支出亟宜關地因利力求整理請先就其簡而易行者分別言之

甲查各小縣烟酒糖等項有概未征税者如咸豐長樂梯歸景康等縣是已有祇稅酒而無烟糖稅者如竹山長陽鶴峰等縣

是已此外尚有僅稅烟或糖者以一縣之大幅員之廣斷不至無一行商與絕無食用烟酒與酒者而其收入竟絕無而僅有則此項稅款從未整理可知是宜嚴飭各小縣遵照腹地各縣烟酒糖稅則切實辦理務收成效

乙各縣所出特產如竹山之漆鶴峰之茶已東之鹽咸豐長樂建始等縣之茶棊漆等項皆屬暢行遠邇惟僻處山陬提倡無人是宜飭令各知事一面查照咸豐辦法征收各項捐款作為國家收入卽以補助各該縣政費之用一面設法勸導廣為種植因其地宜或樹森林或事開墾則行之數年未必不能駕過腹地

丙前清各縣賦稅多有未照實征之數繳解如興山縣每正銀一兩折征錢三串一百文而僅以二串列報其他如來鳳每券

票一張征錢一百二十文以九十六文繳公長樂之各科陋規年可獲錢千餘串興山之券票附收錢三十一文又稅契過割一次收錢二串四百文又如巴東之有券票費及釐包分等項爲數皆屬甚鉅今雖一律革除但從前概取諸民而民不以爲虐者無他以地方之財辦地方之事故也今國體旣更補助尤重欲圖現時權宜之補救曷若規復前捐是宜飭令各縣就從前之所謂陋規者仍舊征收作爲行政經費並卽將收支各欸按月彙示通衢使人民咸知化私爲公自更樂於員擔俟將來實業發達稅源暢旺卽行逐漸革除以示限制

呈復財政部報告驗契印花情形及遵照各節請核示由爲呈復事案奉

大部歌電開驗契收入前經本部電令該處長存儲候撥不得

湖北軍務報告
挪用在案嗣據各省報告其成績優者固多其毫無成績者亦屬不少嗣後每半月將該省辦理驗契情形及收入電部查核並將該廳承辦驗契人員姓名列表報部以便比較成績分別賞罰以示勸懲又奉陽電開驗契暨印花兩稅開辦已久報解寥寥現在

大總統異常注重飭令每星期將各省辦理情形報告二次月終總報一次仰該處長認真辦理隨時報明本部以便轉呈而重稅收各等因奉此遵查湖北驗契事項自二年九月開辦以來毫無成績固已無可諱言然揆厥遲滯之由來一因贛亂發生鄂省各縣土匪竄起人民遷避不遑自不能遵章呈驗一因前壽昌縣議會通函各縣昌言反對以致人民尤爲觀望雖經前處長嚴斥查辦未據呈復旋因自治解散而驗契期限已空

費四五月收入數不過數十元厥後又因暫停契稅問題各縣復紛紛請示適處長甫經蒞任查核情形實非善策是以呈奉大部核准驗稅並行嗣又設法認真督促各縣始稍知自振以故二年一二月之間方有解款八千餘元此自開辦驗契以來中間因事停滯繼復整頓畧收效果情形也現經處長遵照新頒驗契條例修正細則派員督催嚴定賞罰認真考核責令各縣一律遵照

大部規定以二月一日爲施行期務各依限辦竣以蓋前愆所收解款業經本處專款存儲一俟集有成數或專案解部或聽候飭撥屆時再當請示辦理此現在辦理驗契猛策進行前經呈明在案之情形也至電飭嗣後每半月將辦理驗契情形及收入電部查核一節查

鄂省山縣居多公文到省每需一月半月之久雖屢經本處限令各縣每旬報告一次每月專解一次第甫經進行依限據報者少現已遵電嚴飭擬請仍暫定爲每月報告一次一俟成效大著再當半月一報又奉飭將處內承辦驗契人員姓名列表報

部一節查本處辦事各員額定人數本已不敷辦公故一應事件名雖分課辦理實則通力合作並未另派承辦驗契專員此驗契報告擬暫變通辦理及承辦人員無可列表之情形也又印花稅奉行雖久收入亦甚寥寥本年一二兩月各處解到者計共一千一百餘元前經處長擬定籌銷辦法通飭遵照並于推行新稅案內附陳意見現惟各征收局漸有起色至

電飭與警廳商會接洽一節前已曾經函商迄難達暢行目的

現復遵照派員再與警廳商會雙方接洽並商令漢口商會集合各幫董首議由各商店每家每月認銷最少之數武漢爲商業繁盛之區竭力提倡當不難籌集巨款一俟辦有頭緒再行呈明並可逐漸推行他埠以養成貼用習慣此籌辦印花稅法擬先從漢口商店着手之情形也現在財政困難時艱孔亟處長忝膺重寄責任所在固不敢操切以從事尤不敢敷衍以塞責惟有盡心力之所至認真辦理以副

中央整理財政之至意所有奉電詳陳辦理驗契印花及遵辦各緣由理合備文呈復伏祈

大部俯賜鑒核飭遵此呈
財政部

呈覆財政部鄂省財政情形請鑑核示遵由

爲呈復事案奉

大部文電開鄂省財政情形尙未據切實報告仰該處長迅將收支現狀及整頓辦法報部查核等因奉此謹將鄂省財政情形縷晰陳之溯在前清鄂稱大省歲入爲一千二百二萬有幾而鹽課關欸協餉籤膏捐等項已佔十分之四歲出爲一千三百五萬有幾而軍事費不足十分之三然猶出入不敷一百餘萬所恃以周轉者賴有紙幣以相維繫光復以來首義之區受創獨深田賦釐金既有豁免之通佈租稅雜捐遂無收入之可言紙幣之信用已失府庫之羅掘俱空此則軍事時代本不可與言財政而昔日之征收機關遂破壞無遺不可收拾自統一以後始議征收錢糧開辦稅局雖規模初具以恢復秩序爲前提而大亂初平自不免軌範之軼出新虧舊欠數達三千餘萬

之多雖欲整理其道末由此則今昔懸殊鄂省財政紊亂所由來經歷過去之情形也自上年七月間稅廳成立未幾而贛亂發生土匪蠶起進行阻止牽掣良多影響稅收益形虧短且各征收官吏流品淆雜或軍人素無經驗或武力動相要挾或冒濫開支或捲逃公款婪索侵吞莫可究詰弁髦法令視若罔聞兼以稅則不良章制不備簿記未立款目未分告誡雖三令五申各屬則任意延玩其收支細數甚有無片紙隻字造送者而預決算無論矣其竄遠縣屬甚有隔數月無分文報解者而每月之收入報告書無論矣其批解各縣局更皆籠統列報實解抵解淆雜不分而欲按照預算科目分別等級難矣其坐支行政征收各費雖有規定任意超過者更不知凡幾迨奉駁斥能遵章補繳者又十無一二且新舊交替之際輾轉推諉至今交

案不能完結者壘纍矣具有以上各種之困難以故前處長經營半載稅收卒難起色自二年七月至十二月十六日止只收入一百五十八萬三千四百七十二元處長任內甫經列表造報並不能分別欸目依報告書式辦理此則稅廳成立以後困難之情形也處長自上年十二月到任後睹此狀況勢如亂絲首以清理內部力行減政爲入手辦法司廳兩署均經裁去一科並釐定辦事細則先後呈轉在案然而簿記不立不足以昭詳確也於是本諸學理參以習慣制定簿記以期詳晰然而登記之法必以各縣局冊報爲根據也於是分別制定批迴之式樣報冊之條例解欸之聯單報告書之解釋預決算之標準通飭各屬如式辦理日來按月填造者已居多數再益月餘當可全體一致自不難科目分明矣然而科目雖分稅收不能漸增

則何裨實際也故對於田賦則嚴定征收期限頒行滯納處分
改定四聯串票限制報解日期對於釐稅則增加全年比額取
締分撥弊端嚴定勸懲方法整理牙當各稅均經先後呈明在
案自處長接任十二月十七日起至二月底止共收入一百四
十五萬九千零六十一元郎特別小縣向恃公家補助者亦間
有繳解之款大有聞風興起之概其從前在公人員虧蝕之款
現經分別勒追亦多陸續補繳者信賞必明而後整飭可冀也
至驗契印花尤爲急要之圖鄂省驗契自九月開辦以來因事
停滯毫無成績經歷四五月收入不過數十元經處長擬具細
則派員督催嚴定賞罰力促進行本年一二月間計共收入八
千餘元雖爲數無多而日來已更形踴躍印花稅奉行雖久收
入僅七十餘元經處長擬定籌銷辦法已於推行新稅案內詳

細呈明現時始漸有起色一二兩月計共收入一千餘元現復與商會一再磋商極力銷售當可逐漸推廣以上各節匪敢自詡成績而以今視昔已有蒸蒸日上之勢此收款之大較也雖然收入之款不難於現在之整理支出之款尤難於從前之結束計本年一月支出共洋二百五十五萬四千餘元二月支出共洋一百四萬五千餘元內如炭山灣二年欠二三期本欠元二兩年息共合銀洋二十三萬餘元迭經法領函電交催不付即成交涉又兵工廠舊欠二十餘萬兩本年一二月支出物料經費等項約共洋二十萬五千餘元又新特別費陸軍第二師開赴河南急需出發費洋三萬元留鄂第一師需出發費二萬串第二師開赴襄陽一帶又需出發費一萬三千元其餘小款填還舊欠者更難枚舉均不在額定預算之內以故每月收支

相衡均屬不敷追呼迫於星火羅掘極於困窮昕夕徬徨焦灼萬狀此則處長到任後實力整理及現在財政收支各款之情形也夫收支適合必以預決算爲標準預決會計必以年度爲歸結查鄂省二年度預算收入之數未必全有着落支出之數則每多有超過然表面假定之數不敷已達五百萬以上現時年度僅餘三月嗟彌縫之無術雖補牢其奚追擬請及早結束將前次不敷之款作爲舊欠另行清理以後支出之款決不能稍溢出範圍之外以實際上求收支適合爲第一義而不在表面之假定趁此年度將滿之際釐以確定之方針庶既往不咎來者可追此則徵諸現狀不得不求一結束辦法之情形也理財之道不外開源節流然大關利源必需鉅金不惟財力不貸亦且緩不濟急凡鄂省可以爲開源計又輕而易舉者已於推

行新稅案內畧陳梗概如蒙

允行當可挹注若節流則不外節減政費而已然以二年概算言軍事費已占十分之九又無確定之範圍以三年度歲出概算言惟陸軍部所管爲最鉅共一千五百七十餘萬元其次則司法經費爲一百三十三萬餘元又有內外債八十二萬餘元除此三者行政費不過五百餘萬實屬減無可減

中央財政困難達於極點屢奉

電飭認解籌濟詎不欲竭誠愛國共濟艱難誠能於軍事費另定預算減輕擔負連同行政各費按照三年概算歲入一千零五十萬之數量入爲出自不難指定的欸源已接濟否則東措西柱剜肉補瘡長此不變何堪設想此則對於將來計畫之情形也然而尤有進者鄂省紙幣充斥由來已久前遵

中央通令收回銷燬各縣局所解現款多係紙幣只能交由官錢局隨收隨燬並不能如現金之滙兌即不能交由金庫存儲所恃以周轉者僅官錢局發行之官票洋元生銀實不多見現紙幣已銷燬過半約計三四月後當可全數收回然官票流弊無殊紙幣非得現洋二三百萬元以操縱金融實不足以爲後盾擬就地設法籌措基本金由造幣廠鼓鑄銀元專留作鄂省維持市面之用期年以後庶稍補救此則鄂省最要之圖而不容稍緩者矣雖然理財之道如治莠絲循序漸進乃可以圖功急切煩苛適足以僨事鄂省財政非不可爲益以月日厘剔爬梳自可收支適合必使一事有一款之準備一欸有一定之來源統計則縷晰條分考核則精詳明確此則處長不揣嚚櫟所欲勉矢精誠完茲宏願者也所有以上各緣由除將簿記聯單

批迴各式隨文坵呈外理合將鄂省財政情形具文呈復仰祈
鑒核示遵此呈

財政部

通令各征收局遵照規定局用按月造具概數核實開支由
爲通令事案查各局征收經費經前黎規處長定需用總額令
飭各自配呈處核轉詎催報甫齊適奉

部頒覆核預算未及核辦移交前來本處長詳加披閱前定各
局經費核與預算案類多超過當經通令各局自本年一月份
起暫照七成開支聽候分別釐定一面督飭科員就各局原費
冊報區別局卡之繁簡人數之多寡汰其間冗併其駢枝洋加
釐訂凡有重要職守及錢票各員靡不加給薪資俾紓內顧並
非故意剋減強以難從卽各局情形不一職務不同得准於固

定司巡之中斟酌變通要以不出規定薪工總數用示限制至雜支一項不但各局互異卽一局中上月與下月支數亦各自有盈絀本處此次規定悉照各該原冊從寬酌減作爲概數仍應撙節動用實支實銷其衛隊一項有爲各局所無者亦經本處酌增額定人數俾可護送解款其有因各局情形不同原有衛隊較多者現經除去額定人數另列一欸作爲特別開支俟地方安靖再隨時酌量裁減至如購造房屋修理船隻以及臨時發生事項無論欸項鉅細均應先行呈候批准方能動支似此分別釐定庶無凌雜糾紛之弊而收整齊劃一之功實於稅務前途大有裨益除分行外合行開單令仰該局卽便遵照單列額定總數核實開支各該局長深體時艱當能協與維持不避嫌怨力資撙節毋稍虛糜本處長有厚望焉再自此次規定

後凡各該局經費無論額支雜支均應遵照審計分處定章於每月下旬造具次月概算書呈由本處轉送審計分處審核後由本處代填領款憑單郵寄各局奉到憑單及命令時方准一面坐支一面賈具文領抵解稅款至於決算仍當於下月編造連同單據送處初審再轉送審計分處審核其有不如式辦理及辦理手續不完者本處概不准抵解核銷並將該局收支規章懲處案關審計事在必行慎毋視為具文是為至要其本年一月分前令暫照七成開支並非定額此次既經規定應准補具概算書請領可也合併飭知切切毋違此令

呈財政部酌加各局比額及核減局用並擬議勸懲章程
請核示由

為呈請事竊維鄂中財政田賦而外厘稅居其大宗邇年以來

錯襍糾紛弊端百出欲求整頓之法自以嚴定比較核實開支爲要義查鄂省向辦統捐民國成立改辦過境銷場稅維時稅則初更未經定有比額嗣於上年五月經前財政司參照前清比較舊章暨元年收數暫定臨時比較連同鄂豫火車貨捐鷄鷓洲竹木藕池口米捐計共四百零六萬串呈奉前民政長核准通行在案惟查過境銷場稅章核與前清統捐情形迥異元年各局開辦多有未及一年者釐定比較時僅就開辦後數月稅收平均勻攤計算本非確數兼以地方秩序未甯商賈未免裹足故格外從寬暫定並非久遠之規現在大局救平商場日形發達詳核二年全年冊報收數有超過比額者有雖比額短收而實因辦理不得其人者有實係比額太多征難足數者亟應重新釐定分別增減今自本年一月起一律按照新定比額

趕將旺談月分自行支配呈報以資考核全年合計共加七十
七萬餘串雖二年度已逾半載但使得人而理實力稽征或不
難按月收足藉資補救此增加各局比額之情形也至征收經
費經前黎處長呈准需用總額令飭由局支配甫經報齊適奉
部頒二年度預算合計各局自九月分起實超過七千五百餘
元會經電

部追加未及奉批移交前來查二年度預算案關全局既經確
定碍難變更况詳核各局開支多寡既有不均名目亦互相歧
異復經派委員實地調查一面督飭科員根據調查員報告暨
各局原賣冊報區別局卡繁簡人數之多寡汰其間冗併其駢
枝詳加釐定並連同臨時特別衛隊令飭各局自三月一號實
行較前定經費每月計共減錢六千四百四十串爲數雖屬無

多當茲財政艱難能節一分虛糜卽多一分實用此核減各局征收經費之情形也惟是比額既已酌加局用又經核減設無勸懲章制以期信賞必罰卽無以爲計事程功之準爰本前財政司規定簡章酌量變通重新釐定庶激勵有資而稅收可期暢旺矣除將酌加比額核減經費並擬議勸懲章程另呈備案外理合備文呈請

大部俯賜鑑核批示祗遵謹呈
財政部

通令各局遵照酌加比額分別淡旺月分呈處查核並頒

發勸懲章程由

爲通令事案查各局比較會於上年五月間經

前財政司參酌前清比較舊章暨各局元年收數暫定比額並

擬具各局員司功過勸懲章程呈奉

前民政長核准通行在案惟查過境銷場稅率值百抽二併道征收核與前清統捐匪特過境落地過餞概未區別卽過境一項亦未按道計算如棉花百斤武穴出境向係收捐二百文現在不分遠近統征稅錢四百文稅則既更情形迥異自難援以爲例且元年各局開辦多有未屆一年釐定比較時僅就開辦後數月稅收平均勻攤計算本非確數兼以地方秩序未甯商賈未免裹足故格外寬假暫定之計原非久遠之規現值財政困難出入相衡不敷甚鉅疊奉

財政部電飭整頓舊稅藉圖補救爰查各該局二年一月起至十二月止全年收入超過比額者有雖照比額短收而實因辦理不得其人者有實係比額太多征難足數者本處長博訪周

諮盱衡時局秩序驟漸復舊觀商場必日形發達若不重新釐定仍因舊額殊不足以衡功過而裕稅源現奉

大總統第五十四號教令經征官額外增加獎勵條例既優且渥復經本處規定盈額短收懲勸章程所以謀鼓勵之方無微不至則所以求責備之心亦期望甚厚茲故按照上年收數並經派員調查參酌各局現在情形酌量增減列作一年歲額分爲三月小比六月大比一年總比以定功過如有稽征得力額外多收者固應照例獎勵卽征收定額者亦均得援用知事獎勵條例第九條第三項之規定想各該局長才長權務念切時艱當能勉爲其難同舟共濟倘有以加額過鉅忠難征足爲詞呈處請減者則是有意諉卸不能熱忱愛國有負殷殷慰勉之深心矣除將比較單一紙勸懲章程一冊隨文令發並一面呈

部立案候奉令知再行飭遵外合亟令仰該局即便照單開歲額認真征收以副厚辜再各局征稅月有淡旺之分卽稅有多寡之異應由該局從本年一月起自行分別支配統計全年額征之數以此次比較定額爲標準限文到五日內開單齊處備案以憑考核此令

法令

擬訂湖北國稅廳籌備處暫行辦事規則

第一章 總綱

第一條 本處遵照財政部國稅廳籌備處章程分置二科曰第一科第二科設科長二員科員十二員遵照部令第十八號第九條一律作爲試署並由處長視事務之繁簡酌派額外學習員雇員若干員

第二條 本規則訂定各科職掌及各科共通之事務

第二章 辦事責任

第三條 處長有指揮監督本處全部事務進退職員之責

第四條 各科科長對於本科主管事務有完全擔任之責

第五條 各科科長對於本科主管重要事務有直接辦理之責

第六條 各科科長及科員有受處長指派辦理事務之責

第七條 各科科員有受科長督率辦理事務之責

第三章 各科職掌

第八條 第一科分課職掌事項如左

總務課

一 關於不屬他科及本科他課之事項

二 關於所轄各機關之設置廢止變更事項

三 關於改良征收方法及釐定章程事項

四 關於國稅違抗及滯納處分事項

五 辦理普通文牘函電事件

六 關於管理機密事件

七 監印 校對 收發 譯電 收掌

司會科

- 一 辦理本處經費之預算決算及概算書
- 二 關於購置事項及檢查物品之証據
- 三 關於印刷票照事項
- 四 管理本處經費收支出納及報銷事項
- 五 登記本處經費各種簿記
- 六 管理本處一切庶務

主稅課

- 一 關於直接稅之征收及督催事項
- 二 關於直接稅之減免及查勘核定事項
- 三 關於直接稅之推行籌備事項
- 四 關於直接稅之調查改革事項

五關於直接稅之行政訴願訴訟事項

主計課

一稽核直接稅征收完欠事項

二登記直接稅各種簿記及編制本科報告書類

三關於編制直接稅之預算決算及概算書

四核議直接稅征收官吏功過事項

五關於直接稅審計事項

核銷課

一關於直接稅之票照收發事項

二稽核直接稅征收官吏交代欸目事項

三核議直接稅征收官吏交代處分事項

四查核本處直轄征收稅機關經費報銷事項

第九條 第二科牙課職掌事項如左

編計課

- 一 編計各種統計
 - 二 彙編預算決算概算書
 - 三 辦理各種表冊
 - 四 製定各種簿計票照表冊格式
 - 五 關於國稅及租稅外收入之證明事項
庫務課
- 一 管理國稅征收各機關之收入
 - 二 稽核稅關之存放滙撥事項
 - 三 關於銀幣銅幣市價漲落報告事項
 - 四 保存收解各款証據

五登載關於國稅及租稅外各種實收簿記

主稅課

一關於間接稅之征收及督催事項

二關於間接稅之減免及查勘核定事項

三關於間接稅之推行籌備事項

四關於間接稅之調查改革事項

五關於間接稅之行政訴訟願訴訟事項

主計課

一稽核間接稅征收完欠事項

二登載間接稅各種簿記及編製本科報告書類

三關於編製間接稅之預算決算及概算書

四核議間接稅征收官吏功過事項

五關於間接稅審計事項

核銷課

一關於間接稅之票照收發事項

二稽核間接稅征收官吏交代欸目事項

三核議間接稅征收官吏交代處分事項

四查核本處直轄征收間接稅機關經費報銷事項

第十條

各課如有互相關聯之事應互相協商由某課主稿某課會核以期接洽若彼此意見不同時即陳請處長科長裁定

第十一條

本處如有特別之事務發生時得由處長指派各科職員為委員或為主任員以辦理之

第四章 文件處理

第十二條

本處收發文件須由管理收發員簽摘案由編列號數蓋有年月日戳記文件中如有附隨物件須於文簿內逐一登記

第十三條

每日到文於次日辰刻由收發員呈處長核閱後送由第一科科長核閱分別最要次要例行暨標明分配主管某科字樣再由主管科長分送主管各課員辦理

第十四條

收發員收到電報及緊要文件應立時送處長核閱電報由專員繙譯之

第十五條

收發員遇有隨支解到各款部將文批解欸投解原人帶送第二科科長查驗數目再交由庫務課兌收加章先行填給收證此項收証須於印發批迴時取

回所有來文另立到文專簿呈送

第十六條

庫務課經收解欸應核明文批數目相符於文批內加蓋圖章並某年月日收訖戳記立時登入印簿一面將來文交收發員轉送主管各科查照現收數目核明有無短少歧誤叙稿辦理

第十七條

各課之承辦稿件得隨時請處長指示辦法大要通常至遲以五日爲限其有不能於五日內辦結者得臨時酌定之其有緊急文件須隨到隨辦不得遲延凡稿件由主稿員署名蓋章後先送科長核閱蓋章如科長對於所擬稿件認爲未盡妥協得核改修正之再送處長核定

第十八條

凡核定之稿件經雇員繕清後須由核對員蓋用名

第十九條

凡核定之稿件經雇員繕清後須由核對員蓋用名

海之員考言
戮監印員蓋用處印其有須處長簽名蓋用印章者
並請處長簽印再用發文簿交收發員發送原稿歸
檔如有秘密之稿應即提存各科者臨時由各科科
長酌定辦理

第二十條

掌擋者須分別類目逐項標籤不得稍有混雜各科
員調取文卷時須開單署名蓋章交還時將原單掣
回由掌擋者立簿登記以備查考惟各科交還文卷
至遲不得逾五日

第二一條

收發員須將各機關及郵政局之收據保存備案

第二二條

本處發送電報分部電非部電兩種字數及電費均
須登記發電簿

第二三條

本處接到政府公報時收發員即刻閱視其有與本

處關係之通告文件須摘由掛號歸入到文送閱並
登記文

第二四條 本處除公布文件外凡職員如有不得處長許可擅自將文件借給外人或使外人觀覽向外人陳述者處長得視爲違法行爲立予懲戒

第五章 會議事件

第二五條 以辦公廳爲會議所每日自上午九時起至十時止爲會議時間會議有不得中止時處長得臨時延長之

第二六條 處長視爲重要事項得隨時召集職員會議

第二七條 科長科員對於本處事務之應興應革均得隨時提出呈請會議

第二八條 會議時以處長爲議長以科長科員爲議員

第二九條 處務會議議決之事項處長有可否執行之權

第三十條 議決之事項由處長核定後發交主管科或指派各科職員辦理之

第六章 辦公時間

第三一條 每日辦公時刻四月至八月上午八時至十一時止

下午二時至六時止九月至三月上午九時至十二時止下午一時至五時止遇有特別事件及事務不能中止時得延長之

第三二條 各員因病或因不得已之事故請假者須具請假單

呈請處長批准若假期繼續在七日以上者應扣算俸給或派員代理

第三三條

星期年節慶典紀念等日均作爲例假仍由各科輪

推科長科員一人雇員二人入值以免曠談

第三四條

辦公時間概不會客如有因公來處必須接洽者不在此例

第七章 職務考核

第三五條

每月終各科承辦事項須分別已辦果未辦結逐件
摘由列表呈送處長查閱

第三六條

辦公廳立考勤簿一本各員於每日規定時間齊集
辦公廳書到傳觀文件會商事項以資接洽其有緊
要事項立時能辦者即在辦公廳辦法

第三七條

各課應立一日記簿將每日所辦事件隨時摘由登
記

第八章 勸懲方法

第三八條

本處職員如其辦事勤能除遵照部章第十三條辦理外並酌擬分等獎勵方法如左

一 記功

二 俸額進級

三 遵章呈請財政部分別酌獎

第三九條

本處職員如有辦事不力違犯官規除遵部章第六十七條之規定外並酌擬分等懲罰方法如左

一 記過

二 俸額降級

三 呈部免職

第四十條

前項懲勸之規定如功過積至三次時依第二項之

規定執行之

第四一條

前項懲勸之規定除第三項外第一第二兩項雇員亦適用之其無級可進者另給勤俸無級可降者解除雇約

第九章 會計事務

第四二條

關於本處經費之收入支出應由司會員於前月按照預算案擬定概算書呈處長核定

第四三條

本處經費如有不得已之事故超越預算案之款項時須先呈請財政部批准

第四四條

各員俸給於每月下旬發給其到差未及一月者按日計算

第四五條

凡各科需用紙張等件需用員開列物品署名蓋印

第四六條

向司會員領取司會員核發後另行登記以便查考
每月十五日以前由司會員將上月收支各款詳細
造具決算冊呈處長核定報部查核

第四七條

本處關於會計事務以左列簿記登記之

日記簿

收入分類簿

支出分類簿

收入月結簿

支出月結簿

各幣種別現記簿

貨幣換算簿

俸給簿

工資簿

單據粘存證簿

第四八條 本處日記簿每五日須送處長檢查一次

第四九條 司官每日須將銀錢及市價列表保存每日更列一市價平均表以備稽核

第五十條 凡活支款項須填具請領單經本管科長簽印司會員始得支付其在五元以上者須得處長之許可

第五一條 本處一切物品均爲官有財產以存儲物品編號簿登記之

第五二條 僕役僱用開除及事務之分配勤惰之獎懲由司會員隨時商承主管科科長執行之

第十章 雇員服務

第五三條

本處雇員遵照籌備處暫行章程由處長雇用之

第五四條

雇員各科各課承科長科員之指揮辦理繕寫核算事宜

第五五條

雇員如有辦事不力怠誤公務者得由科長隨時查察呈請處長依第四十一條之規定執行之

第五六條

雇員職務時間適用本規則第三十一條之規定

第五七條

雇員承繕文件均須嚴守秘密不許漏洩

辦

第十一章 附則

第五九條

本處關於征收登記及印發票契事件當另訂簿式

及登記印發章程

第六十條

本處各科均須詳細稽核各徵收官吏之報告當另定稽核章程

第六一條

本處須委員調查全省稅務當另定調查章程

第六二條

本處對於征收官吏有監督之責當另定監督章程

第六三條

本規則如有未盡事宜得隨時修正之

第六四條

本規則自處長公布之日實行

海峽與和子言

規定田賦征收經費簡章

第一條 原定征收經費有連契稅籌餉在內者有由地方款項補助者其解款川資有動支行政經費者有另外開報者辦理殊不一致此次規定專指征收田賦而言至契稅籌餉概不在內

第二條 各縣開支徵收經費有以八個月十個月計算者間有以全年計算者此次概以十二個月均勻攤計

第三條 原定征收生有月支六串八串而無火食者有月支十餘串另加火食者此次規定除武昌夏口漢陽三縣外概以十二串支爲定額火食在內

第四條 現定經費應由券票手續料內之七文及規復田賦契稅之足數項錢下動支另文請領抵解不敷准由契紙

項下補助不得動用正稅

第五條

券票手續料及規復各項賦稅足數並契紙經費均應列入收支四柱細數清冊收入計算書等項表冊之內於各本款項下挨次另列一欄以備考核

第六條

解款川資係以各縣解省道路之遠近及交通是否利便酌量釐定如規定每年批解十六次或少解一二次者川資照次數扣除

第七條

各縣如有經常撥付或臨時奉撥之款至無存款可解以及遇有特別情形未能依限起解均應隨時呈明

第八條

田賦收入無多僅便敷行政小隊看守所監獄囚糧等項經費者既無解款自無庸另定川資

第九條

各縣租吏向無工食有按花戶完稅之數酌取薪資者

現既明定公費應由縣嚴飭不准再向花戶索取違者
追罰

第十條 此次規定征收經費准由各縣按月支配另行造具支
付預決算書暨支出計算書呈報審查但不得濫出規
定總數並不得混入行政司法各項經費預決算計算
書內以清界

第十一條 臨時催征經費係按賦額之多少徵收之繁簡酌量
規定不以行政區域之大小爲標準

第十二條 造券經費原定於手續料十二文內提給五文爲四
聯單之用嗣經減去一聯仍准開支五文

第十三條 各縣征收權應自上忙開征起至舊曆年底止常川
設立其未開征以前由督飭各征收生造辦三聯單

券以節糜費

第十四條

各縣間有設立推收生一項現已剔出應遵另飭清理田賦辦法由縣自行支配詳候核奪

第十五條

此次規定經費以三年七月一日爲實行之期如有修改隨時飭遵

條陳報告

武昌縣知事史森呈覆整理田賦收入方法錄第一條

一曰嚴厲督催業主既受縣署之保障則督催稍從嚴厲彼亦無可藉詞惟各縣糧差都已遣散裁券之法又難施行僅恃三數催租吏沿鄉催征其效甚微竊謂宜責成各村村長各族族長協助督催一村之中若能於定限內將應完錢糧掃數納清無一帶欠者由各縣知事酌給各該村長族長以言語獎勵其尤爲出力者並得呈請

鈞處傳令嘉獎以彰急公好義之忱庶幾風聲所播觀感有資於催征進行似亦不無裨益也

建始縣條議整頓稅收情形擇錄漆茶稻一條

建邑居萬山之中交通阻滯又山僻地稀事業固甚簡單稅

捐難與商埠各市鎮比擬然本地出產有漆茶梔三種亦爲大宗茶又來自鶴峰漆又來自恩施一由邑之北鄉運至巫山大溪出口一由邑之南鄉運至滋坵宜都出口一由邑之東鄉運至巫培石出口計茶一項歲不下三十萬斤每百斤抽錢三百文可得錢三千串文漆一項歲不下五千桶每桶抽錢三百文可得錢一千五百串文一梔項歲不下四萬斤每斤抽錢二十文可得錢八百串文合共計算約有五于三百餘串之譜現長梁子集場有行戶二家歲定收茶及雜糧捐三百三十串撥作警費然征收每不得三分之一不能撥數全繳緣各茶尚在各茶戶零星收買不在該行過載圖免行捐行戶派人調查又被地痞把持無從據集梔漆兩項各商號亦均在四鄉星收逕運成爲習慣種種稅源概行放棄

若於邑之南北東各鄉擇定關隘地點各設稅局派一二人經理坐收各捐集成鉅款實有把握

咸甯縣知事張德柄條陳經收錢漕契稅辦法擇錄一二兩條
一經征錢漕知事宜親自赴鄉督催各鄉玩戶有追呼數次仍抗不完納者知事每到一鄉先將玩戶畧示懲戒更傳催糧不力保正立予懲責則鄉民知而做懼不敢玩延

一契稅填寫宜用大寫民間稅契減價漏稅之事層見叠出推原其故皆由頒發契紙騎縫填寫數目及契紙所寫價值多用一三三四等字民間投稅後私行改寫弊竇滋多知事改用木戳刊刻大寫壹貳叁肆等字擠蓋騎縫中間不留縫隙無從添改是年所收稅契逾於往年八成以上

武穴局長陳景虞條陳稅務利弊

擇錄驗口單一條
開式附入圖來

一 艙口單宜從速頒行查舳艫相屬頭尾異其形舸艇並行小
大判其度裝載多寡各有不同扞量定數責在司扞司扞慣
技遇商之黠者則上下其手朦蔽多端遇商之弱者則飛尺
橫加煩擾苛索參差伸縮任我所爲推厥原由良以扞量之
後艙口深長不載大票無憑查考卽查考而出入懸殊司扞
者不載姓名尙可委卸加之各征收局長不知扞量爲何事
者恐居多數故司扞者敢於愚弄不稍顧忌也擬請規定艫
口單從速頒行由該管稅局鈐用印信扞量後由司扞人照
單填註深寬長各若干並蓋用司戳以一聯粘大票上面以
一聯送該管稅局備查凡經過沿途局卡均准照單查驗如
有不符卽逕呈請鈞處核辦如此辦法庶考查較易而責有
攸歸矣

雜件

通令各縣遵章按月造具收支四柱冊報告書統計表由
案查各縣每月應造收支四柱清冊爲本處考核征收之依據
又收入支出報告書田賦統計表征收報告表征收費分數表
征收經費概算決算書係奉

部所頒均關重要前以屢奉電催復經刷印表冊各式通令遵
辦在案乃各縣遵式造辦齊全手續完備者雖亦不乏而未按
程式或僅造二三種者實居多數似此玩視殊屬不成政體合
再通令爲此令仰該知事立即遵照前頒表式及後開各種自
三年一月起按月攢造齊全隨時呈賚以憑分別核辦彙編其
未造二年各種表冊亦應遵章補送毋再玩延此外各種表冊
非臨時特要之件概予免造以省繁費切速切速此令

計開

一本處三年二月二十七日特令之收支四柱細數清冊 應每月造具一份送處

一收入報告書支出報告書 應每月各造具二份送處以便以一份轉送審計分處

一田賦統計表 應每上下忙各造具二份送處

一征收報告表及征收費分數表 應每月各造具二份送處

一征收經費概算書及決算書 應每月各造具二份送處

訓令各縣局改訂繳款批迴式

案查各縣局繳解稅款批迴形式參差款別淆雜登記每難着手前經本處分別釐定坐扣抵解批迴三紙通行照式填列在案若各縣局繳解現款仍沿用批迴舊式不獨款項不分亦覺

章制未備茲特釐定各縣局繳解現款四聯單式附以釋例通令頒發仰各縣局遵照自奉文日起凡屬現款務卽分項開列照式填單隨文批解毋得再用批迴以歸劃一除通令外切切此令

各縣局繳解現款四聯單釋例

一此項四聯單專爲批解各稅款之用不得與前項抵解坐支之批迴相混

一欸別各縣局繳解各稅款不得籠統填列如田賦不得與契稅及烟酒糖牙捐雜稅相混過境銷場稅不得與罰款及雜稅相混

一摘要係記載此項稅款之性質如係帶征某年係甲賦或係補解某稅款尾數之類

一款項係繳解某款某幣若干之數

一幣別係紙洋官票當十當五當一之分別及銅元銀平之類

一合計總合上列各款額之數

一格式須照原式尺寸大小不得參差紙幅高營造尺一尺二寸
濶營造尺二尺四寸

一存根通知書批迴存查四單均須由各縣局分別填列款目

一字號由各縣局取地名首一字編列

一聯單騎縫由各縣局蓋印後二聯再由本處加印萬勿舛誤

一函江漢關稽征小輪漏稅俟有成數酌給津貼並由本處發

給聯票由

逕復者案准 貴關南開奉

交通部電鄂省船舶檢驗登錄所已電鄂取消一切小輪事宜

仍暫由敝關照向章管理各等因奉此茲於一月二十三日接
行政公署函稱船舶檢驗登錄所遵電取銷並由船舶檢驗登
錄所遵飭函請敝關前往接收當於本日派員接收查小輪行
駛關繫重要舉凡多裝人數及夾帶違禁物件以及漏稅偷釐
等事在所不免是以前清時由敝監督於漢陽南岸嘴地方派
員設立稽查小輪專局專查各輪所裝人數有無逾額以免危
險情事並兼查各輪所帶貨物已否納稅完釐如查無納稅完
釐卽照章補抽統捐此項統捐係屬代徵每月儘徵儘解於牙
釐總局或度支公所故該局經費向由前牙厘總局或度支公
所按月津貼錢一百八十餘串此次船舶檢驗登錄所既已取
消小輪事宜暫歸敝關管理自應查照向章派員設局稽查以
安航路但近來小輪較前尤多一切夾帶漏稅等事事所恒有

所有各小輪裝運貨物應完稅款應否仍照向章由敝關稽查小輪委員代爲稽征並每月仍由貴廳查照舊章撥給津貼錢文之處尚祈酌核見復以便派員照章開辦等因准此查近來小輪增多爽帶漏稅事所恒有於稅收大有影響敝處正擬設法整理茲准函開由

貴關稽查委員代爲稽征照章補抽儘解實紉公誼極表贊同惟撥給津貼一事查前清舊章敝處無案可稽且時勢不同究難適用敝處征收經費皆列入預算呈部核定再令各局如數請領於正稅內坐扣抵解

貴關設局稽查代征漏稅與征收性質相同則應給津貼亦與征收經費無異擬仍照各局成例由貴關先行委員開辦俟一月以後代征稅款確有成數再由敝處呈

部核准酌給薪津卽由該委員於征款內扣支庶雙方裨益並行不悖其應用聯票仍請飭該委員赴做處請領每月填用票數具報備查以歸劃一相應函請
貴關查照見復施行此致

江漢關監督丁

函湖國稅廳驗契條例已奉部電准照前章辦理由

逕啟者案查前準

貴處敬電當經做處將驗契條例第三第四及第十二等條按照前頒劃一章程暨部復江蘇國稅廳嘯電詳為解釋呈請
財政部核示並電復

貴處查照各在案茲於二月十日奉

財政部蒸電開呈悉解釋驗契條例所見極是準仍遵前章辦

理等因奉此相應粘抄呈稿函達

貴處請煩查照辦理是荷此致

湖南國稅廳籌備處

附湖南國稅廳來電

鄂國稅廳籌備處長鑒驗契條例與前部章抵觸一賣契當契除房屋外無論業價多寡概收查驗費一元二角前清白契照契稅條例補稅貴處對於此等事項辦法如何乞電復湖南國稅廳敬印

函復雲南國稅廳所擬各省每月編印詳細報告書情形由逕復者案准

貴處函開我國財政不能統一半由各省自爲風氣興利除弊彼此不相聞問殊非交換智識之道本處擬請各省國稅廳籌

備處長自本年四月起每月五號以前將前月所辦各事宜分別種類編成詳細報告書除以一併呈報

財政部外再印刷多份分送各省國稅廳及財政司俾資採擇而生觀感並藉以週知全國財政之現象本處擬於四月實行一俟編就印成後卽函送請指正不知貴處亦表同意否如以爲可乞將每月詳細報告書分送一份以備採擇並希電覆等因准此查鄂省自改革以後財政備極紊亂敝處長接任以來極力整理稍有端緒惟才識疏淺亟欲取法各省以資借鏡貴處擬將每月所辦各事宜分別種類編成詳細報告書分送各省爲交換知識之助法良意美敝處極表贊同惟畧有所慮者現在厲行減收各處經費均經規定而每月印刷一項種類繁多已屬不資再加以印刷所需誠恐溢出額定經費之外

貴處如何籌畫之處尚祈

詳示以便做辦報告書分類條例亦希函寄一份俾作楷模至
級舟誼此復

雲南國稅廳籌備處處長

修改百貨四聯稅單

湖北國稅廳 征收局 為

繳數事茲據商人 報稱由 僱用

船 護運往

行銷後開貨物查驗相符照章完

稅除將丙聯稅單發給該商收執乙聯稅單由經過第一
局卡查驗截留按月彙送國稅廳籌備處核對並甲聯稅
單截存該局外合將丁聯稅單遵送國稅廳籌備處查核
貨色 完稅

中華民國 年 月 日 此聯截繳國稅廳籌備處

丁聯稅單

字 育 虎 完 兌

丙 聯 稅 單

湖北國稅廳

征收局 爲

發給稅單事照得本局征收稅捐援照向章則例征收其
 則例所不及備載比照值百抽二實佑征收茲據商人
 報稱由 僱用 糶 護運往 行銷後開貨
 物查驗相符照章完稅除將甲聯存查乙聯查驗丁聯繳
 覆彙送國稅廳查核外合將丙聯稅單發給該商收執經
 過沿途各局卡立予查驗放行並加蓋某局卡驗訖放行
 戳記勿得留難阻滯該商亦不得隱匿偷漏單貨相離致
 干罰辦此據 貨色 完稅

中華民國華 年 月

日 此聯由該商收執爲據

名 簿

虎 三 兌

字 負

別 字 稅

乙 聯 稅 單

湖北國稅廳

征收局

為

查驗呈繳茲據商人

報稱由

僱用

船 隻 運往

行銷後開貨物在

照章完稅查

驗相符除丁聯稅單由收稅局卡繳由國稅廳覆核丙聯
稅單即交該商收執為據並將甲聯稅單截存外所有乙
聯稅單應由經過第一局卡截留按月彙送國稅廳查核

貨 色

完 稅

中華民國 年 月 日

此聯由經過第一局
卡截留彙送國稅廳

字 管

號 九 三 七 號

學

號
完
稅

甲 聯 稅 單

湖北國稅廳

征收局

為

存查事茲據商人

報稱由

僱用

船 隻運往

行銷後開貨物查驗相符照章

完稅除將丁聯稅單彙繳丙聯稅單即由該商收執為
據乙聯稅單由經過第一局卡截留彙呈國稅廳外合
將甲聯稅單截存備查

貨色

完稅

中華民國華 年 月

日 此聯截存該局備查

羊樓峒茶局修改四聯稅單

湖北國稅廳

征收局

為

覈繳事茲據商人

報稱由

僱用

搬 護運往

行銷後開貨物查驗相符照章完

稅除將丙聯稅單發給該商收執乙聯稅稅單由經過第一局卡截留彙送國稅廳查核並甲聯稅單留存該局外合將丁聯稅單呈送國稅廳籌備處查核

貨色

完稅

銀

中華民國

年

月

日此聯截繳國稅廳

字 第

號 三 號

年

丁 聯 稅 單

生員

號

丙聯稅單

湖北國稅廳

征收局

為

發給稅單事照得本局征收茶稅核定章程分別出產稅箱稅計抽收茲據商人

報稱由 僱用 糶 後運往 行銷後開貨物查驗相符照章完

稅除將甲聯存查乙聯查驗丁聯繳覈彙送國稅廳查核外合將丙聯稅單發給該商收執經過沿途各局卡立予

查驗放行並加蓋某局卡驗訖放行戳記勿得留難阻滯該商亦不得隱匿偷漏單貨相離致干罰辦此據

貨色 完稅

號

中華民國

年

月

日

此聯由該商收執為據

戶

號

字號

易字號

乙聯稅單

湖北國稅廳

征收局

為

查驗呈繳事茲據商人

報稱由

僱用

船隻 護運往

行銷後開貨物在

揭照章完

稅查驗相符除丁聯稅單由收稅局卡繳由國稅廳覆核
丙聯稅單即交該商收執為據並將甲聯稅單截存外所
有乙聯稅單應由經過第一局卡截留彙送國稅廳查核

貨色

完稅銀

銀 兩

中華民國

年

月

日

此聯由經過第一局卡
查驗截留彙繳國稅廳

字號

虎字號

四

甲 聯 稅 單

湖 北 國 稅 廳

征 收 局

為

存 查 事 茲 據 商 人

報 稱 由

僱 用

船 隻 運 往

行 銷 後 開 貨 物 查 驗 相 符 照 章 完

稅 除 將 丁 聯 稅 單 彙 繳 丙 聯 稅 單 即 交 該 商 收 執 為 據 乙
聯 稅 單 經 過 第 一 局 卡 截 留 彙 呈 國 稅 廳 查 核 外 合 將 甲
聯 稅 單 截 存 備 查

貨 色

完 稅 銀

錢

中 華 民 國

年

月

日

此 聯 截 存 該 局 備 查

第 一 號

第 二 號

鄂豫火車貨捐局修改四聯稅單

湖北國稅廳

征收局

為

覈事茲據商人

報稱由

運往

行銷後開貨物查驗相符照章完稅

除將丙聯稅單發給該商收執乙聯稅單由經過第一
局卡截存呈繳湖北國稅廳籌備處暨甲聯稅單截存
該局外合將丁聯稅單呈送湖北國稅廳籌備處查核
貨色

完稅

中華民國

年

月

日

此聯截繳湖北國稅廳

字
符

虎
七
兌

五

丁聯稅單

丙聯稅單

湖北國稅廳

征收局

爲

發給稅單事照得火車貨捐遵照舊章仍歸鄂豫省合辦

茲據商人

報稱由

運往

行銷後關貨

物查驗相符照章完稅除將甲聯存查乙聯查驗截存丁
聯繳核彙送湖北國稅廳查核外合將丙聯稅單發給該
商收執經過沿途各局卡立予查驗放行並加蓋某局卡
驗訖放行戳記勿得留難阻滯該商亦不得隱匿偷漏單
貨相離致干罰辦此據

貨色

完稅

中華民國

年

月

日

此聯由該商收執爲據

乙 聯 稅 單

字 號

號 字 承

湖北國稅廳

征收局

為

查驗事茲據商人

報稱由

運往

行銷後開貨物在

綢照章完稅查驗相符除丁聯

稅單由收稅局卡繳由國稅廳覆核丙聯稅單即交該
商收執為據並將甲聯稅單截存外所有乙聯稅單應
由經過第一局卡截留按月彙送湖北國稅廳查核

貨色

完稅

中華民國

年

月

日

此聯由經過第一局卡查
驗截留繳湖北國稅廳

字 號

號 字 承

六

甲 聯 稅 單

湖北國稅廳

征收局

為

存查事茲據商人

報稱由

運往 行銷後開貨物查驗相符照章完稅除將丁
聯稅單彙繳丙聯稅單即交該商收執為據乙聯稅單由
經過第一局卡查驗截留彙呈湖北國稅廳查核外合將
甲聯稅單截存備查

貨色

完稅

中華民國

年

月

日 此聯截存該局備查

調查牙帖

通知書

夏口縣知事
調查漢口牙帖委員

為通知事案據調查報告有

街 號

行尙係

舊帖膠充
無帖私開

未經

換
請

領新帖查與定章不合應即通知該行務限
於 月 日以前來 遵照則例呈領
新帖如有逾限即照簡章第五條罰辦特此
通知

右通知

行准此

中華民國

年

月

日

單口 艙

艙量 別別	尖	前	中	後	統計
深					
寬					
長					
合計					

某揭司阡人姓名蓋章

三年一月分國稅收入報告書

科		目		要收		數	
		目		元		各種分配數	
第一款田賦	第一項地丁	第一目地丁		二七〇五〇三元	三六三厘		
	第二項漕米	第二目漕米		九五六五七	九七八		
	第三項屯餉	第三目屯餉		一三五八〇	四〇八		
	第四項蘆課	第四目蘆課		八三五	二三七		
第二款釐金	第一項百貨	第一目百貨		二五七三〇八	八四一		
	第二項竹木	第二目竹木		一五三〇〇	〇九七		
	第三項茶稅	第三目茶稅		九〇八一	四三三		
	第四項膏鹽	第四目膏鹽		六八九〇	七六二		
第三款火車稅	第一項火車稅	第一目火車稅		三八〇〇七	四七六		
第四款烟酒糖稅	第一項烟酒糖稅	第一目烟酒糖稅		二二七四〇	四二〇		
第五款契稅	第一項契稅	第一目契稅		六一二二三	〇四九		
第六款牙稅	第一項牙稅	第一目牙稅		三二六	四四三		

三年二月分國稅收入報告書

科	目	摘	要	收	入	數	各	種	分	配	數
第一款田賦	第一項地丁	第一目地丁		二六、七六九元	一三六厘						
	第二項漕米	第一目漕米		四〇〇九六	三七六						
	第三項屯餉	第一目屯餉		八二八四	四二九						
第二款釐金	第一項百貨	第一目百貨		二八〇二〇	四二四						
	第二項膏鹽	第一目膏鹽		八三四四	九四三						
第三款火車稅	第一項火車稅	第一目火車稅		三九、七九七	六二七						
第四款糖烟酒稅	第一項糖烟酒稅	第一目糖烟酒稅		八五四一	二三五						
第五款契稅	第一項契稅	第一目契稅		三三、五八〇	三四〇						
第六款牙稅	第一項牙稅	第一目牙稅		四	七五三						
		第二目牙捐		四六七四	五七〇						
第七款當稅	第一項當稅	第一目當稅		三〇〇	〇〇〇						
第八款印花稅	第一項印花稅	第一目印花稅		二八六	六五二						

第九款驗契費		第一項驗契費	第一目驗契稅						
第十款雜收入		第一項罰款	第一目罰款						
		第一項欠款	第一目欠款						
		第一項借款	第一目借款						
				係從前沙市羊樓洞等局欠款	一九六	七五九			
				係老河口水警局繳還二年八九十等月款借	五〇〇六	七〇二			
				收入合計	四〇〇一五四	三四二			
				撥豫省火車捐			一六三三〇	一四四	
				各縣局抵解數			一〇四二四五	〇一九	
				本月結存數			二七九五七九	一七九	
				總計	四〇〇一五四	三四二	四〇〇一五四	三四二	

三年三月分國稅收報告書

科		目		摘要		收入		數各		種分		配		數	
第一款田賦	第一項地丁	第一目地丁				一三一,九二五	元	一九七	厘						
	第二項漕米	第一目漕米				三一,八五三		八九七							
	第三項屯餉	第一目屯餉				九七,九七		一五九							
	第四項租課	第一目租課				八三		九七九							
第二款釐金	第一項百貨	第一目百貨				二〇〇,九三五		一六一							
	第二項竹木	第一目竹木				三,四六一		一六二							
	第三項膏鹽	第一目膏鹽				三,九六〇		四四三							
第三款火車稅	第一項火車稅	第二目火車稅				二九,四〇七		一七三							
第四款烟酒糖	第一項烟酒糖	第一目烟酒糖				五三,七三七		九〇五							
第五款牙稅	第一項牙稅	第一目牙稅				六三		九六二							
	第二項牙捐	第一目牙捐				四九一二		二六〇							
第六款契稅	第一項契稅	第一目契稅				五八〇二〇		三八〇							
第七款當稅	第一項當稅	第一目當稅				一四四		〇五四							
	第二項當捐	第一目當捐				四三二		一六三							
第八款印花稅	第一項印花稅	第二目印花稅				二〇〇五		六六二							

